

衢州文獻集成

「集部」

第
194
冊

衢州文獻集成

黃靈庚 諸葛慧艷

主編

〔集部〕

第
194
冊

國家圖書館出版社

第一九四冊目錄

方孟旋評選郵筒類雋十二卷(卷三至十一 缺卷十二)

(明)毛應翔選 (明)方應祥評 明天啓間刻本 ·····

方孟旋先生評選郵筒類雋卷三

蘭陵

毛應翔

鳳卿甫

詮釋

虎林

陳紹英

生甫甫

品定

毘陵

張師繹

克雋甫

批閱

江東

傅汝舟

遠度甫

參訂

玉峰

李靜脩

魯客甫

論次

都察院

○○上御史大夫王公

李攀龍

惟是我公邁。今上改元之會。總持風裁。綱紀。

感謝
酬往

維新之會。著尊國體。養一代作肅之氣。以中正
大觀。爲當朝重。天下翕然壯之也。某外藩掾屬。
日嚴入賀。上謁兩臺。聽公臨飭。憲度耽耽。職用
儀廷。爽然思戾。至今念焉。起居燕閒。吐哺延納。
一卽溫厲。故舊不遺。亟承枉幸。未及繼見。已於
事而竣矣。某旣以不待。失辭長者。未謝不敏。而
公之手教。且及其所爲。欲私之者。意蓋闕如有。
不能盡。德音可誦也。某何以有此於公。而薦寵
下輩。若是乎。勿亦延擘海內。得士自喜。若所謂

正大叅兄弟者。其人感非常之遇。而效一藝。承
藉光靈。亦自某始乎。長君世胄。高才異聞。楊馬
後賢麗澤交映。擁之膝下足矣。猶尚接引旁求。
以共永譽。可不稱休休之臣哉。仲月抵任。謹茲
報至。奉牒以聞。再附起居。垂炤不備。

評 辭旨沈毅

註

楊馬

楊雄司馬遷

感知

○○與石拱辰中丞

王世懋

御史臺天下風紀所關也。漢唐以來最重斯選。

得一人焉。便足領袖彈壓。矧今以趙公爲大夫。而吾丈與丘中丞。左提而右挈之。真千古希觀事也。風采奕奕。令人可想。第盛事不常。直道難久。弟方以爲喜。卽以爲憂。敢祝 聖天子萬年。三君子如畢召。海隅蒼生。永覩太平之象。弟老死巖穴足矣。足矣。家兄近起京兆。心知所自。皆吾丈推轂也。渠久絕意仕路。第海內淺衷之士。有謂道爲時舍。而心猶不忘者。今茲一舉。使上明廟堂。無棄物。下明巖穴。無競心。爲榮實多。銜

感非淺。政不必強之使出也。兄弟都無飾說。且

於吾丈前尤不當飾。伏惟鑒存幸甚。

評 瀟洒超脫實境所就

註

畢召

畢公召公周賢人

頌禱

○○與御史大夫趙

汪道昆

得手教。知己蒞南臺。高廟之靈亦將樂有馮

藉。非直都人士賴之而已。大察伊邇。知明公日在焦勞。竊惟大察視大計爲難。南之視北其難滋甚。何以故事跡無稽。而聞見易亂。故也。幸明

進規
真蒞

公在事。幽明若觀火。又何難焉。備在同心。聊復
緩頰。畢事後。計召還有日。諸君子日望之。

評 謹嚴健捷

○與彭侍御

汪道昆

君侯執簡立朝。本之正直忠厚。法言以定國。是
與言以格君心。古稱骨鯁之臣。有犯無隱。于是
乎一觀第量而後入。疇昔蓋嘗叮嚀。願毋相忘。
則亦不佞所爲納忠者也。頃銓曹擇楚材甚亟。
舉國將屬季公。季公旣請告歸。翩翩乎鴻鵠舉。

也。求忠於孝。季公以之。移孝爲忠。則君侯事也。實授定矣。不知按部何方。儻淮浙離臺。幸而得借。一在舊部。一在鄰封。日幾幾然望大澤之將至也。此中恪守畫一。儼若蕭曹。是歲歲入昇平。雨暘時若。君侯所畱也。第盜賊姦宄。間或陸梁。視昔震懼天威。彼一時也。頃吳田父北上。附之片言。計彼取道陽城。未及專達。劉使亦復畱滯。今始與急足俱行。冒暑而徒。卽秋毫不能附。秋七月。許仲次還京。同行者吳生。與之連袂。吳生

勸進

爲不佞內姪當以不腆介紹代申不佞郊居輯
近屬譜此時重聽愈甚目視漸昏去國垂二十
年時事八事視昔遠矣向承下問請以臆對具
副簡中覽畢滅之母令人謂老秃翁猶喜獵也
評語本六經視巧倩妖睇何啻腐鼠

○寄萬二愚侍御

湯顯祖

讀兄大疏甚善一不負江西二不負友三不負
髯新太宰清新新御史大夫明或能久兄兄胡
可效外人怯移病去官已作殿中侍御史不爲

朝廷用更何如

評 小品遊戲三昧

行取科道

忠告○○○答楊意白行取

孫繼臯

公之以令徵名。裒然在高等。其必爲給事御史。
禁近之選明矣。東西多故。括兵括船。括餉。騷動
已半宇內。而 上仍深拱中。決不聞朝御三軍。
何由鼓舞。敵人何由沮喪。今借籌補袞。爲下達
幽隱。爲上布威德。惟此皁囊白簡。咫尺之牘。揣

摩之談。而議或滑於盈庭。見或迷於當局。一人也。而乍舍乍用。又乍舍一事也。而乍行乍窒。又乍行。議論滋紛。事實滋眩。故國步之艱。無艱於此時。爲給事御史。而謀國之艱。亦無艱於此時。公且居言路。其尚持大體。惜人才。爲國家建救。寧者定之畫。毋以一人一事。務爲異而博名。務爲同而取諧也。公有心人。故敢以此言。私諸執事。惟公財幸。不肖卽家召補。顧此沍寒。計在來正。乃得北向。捐貺下拜。訖因風寓謝。猝不宣懷。

評 醞籍清新兼以慨慷惆悵情見乎詞

同淹

○○與湯質齋同年

王衡

大本定矣。計諸丈榮補之命必不出浹旬間而至今尚爾弄印。殊不知其說。然我輩筆成冢紙成蠹。何者不淹日月。非必長安米能困人也。今經此百忍。異日者刃往牛解。弦發鴈落。天下無難事矣。丈可以此語置左右。當緩歌否。

評 悽清數語無限深情

註

弄印

趙堯事

通政司

嘆遇

○○與李道甫通政

湯顯祖

丈在北銀臺。巋然南斗之司。蜚鳥之音。下而不
上。從容觀世。晦以待明。如平昌老令尹。葉落更
無還枝。卽君子泰征亦未許。以茶爲茹也。引想
時爲一咲

評 琅玕之色流潤綢碧

○○與徐文卿通政司叅

王穉登

銀臺郎省中無事。吏散鴉啼。解帶聽松風而已

不難一札寄故人。奈何寂寂寥寥至此。足下佳哉。公子都人士。無不奉周旋。不令衛玠獨稱璧人耳。僕善病如往時耳。更憤憤以爲造物者厚我。不欲聞中山狼詆呵也。今年江南有蝨災。穡事不登者什五。乃僕沙中污邪。特穰穰自幸。此腹果然矣。僕與原濟客俱盛。然原濟以客食。而僕食于客。此所以寔益甚哉。力行削牘奉布。不得徐公子一言。不令出長安門矣。

評 如銳頭監子

大理寺

感知

○○○上朱大理

王世貞

某昔者讀柳子厚上崔大理啓。其爲文蓋千餘言。然大要不過求遇已耳。某旣已高其文。竊復卑其人。以子厚之才。不稍自貴重。漸識於崔公。卽才若子厚。崔公不先識之。而使其匍匐自獻。某以爲罪在崔公也。攷唐史卒未見薦子厚。則茲啓亦贅疣耳。夫不能愛人之才。與不能自愛其才。其失均也。某小歲粗撓。窺弄筆墨。便得解